

Fani, quod ibi Fortunæ sumptuosissimum olim dedicatum, adhuc magna monstrantur vestigia. Visitur ibidem Arcus ex marmore, sumtuoso nobilique opere factus, altus cubitos xxx. latus xx. Fastigio, quod mirabili arte elaboratum concidit, insculptum legitur Constantino Imperatori Elogium, quod apud alios. Adluitur ab Argilla fl. *Forum Sempronii*, nunc *Fossimbrunum*, *Fossimbruno* Opidum Episcopale, Vestigia ibi Antiquitatis quamplurima, præter Aquæductus, Viâs Silicatas, Columnas & alia. Marmora multa cernuntur disiecta cū antiquis Inscriptionibus quæ ab aliis collecta. *Pisaurum* Vrbs Episcopalis. hodie *Pesaro*. Emporium Italiæ celebre, mercimonijs dives, amplū splendidum, pulchris ædificijs ornatum. *Urbium* alto sitū Monte & inæquali loco inter eosdem amnes; Vrbs est lautissima, splendideque satis ædificata, bono & fecundo agro. Illustrat eam præcipue Bibliotheca, libris optimis & multis referta. In Piceno ad latus Montis Victoris Lacus invenitur fama nobilitatus: *Nursinum* dicunt. In eo Cacodæmones innatare Vulgus imperitum dicitur: quoniam aquæ perpetuis moribus salire, & vicissim subsidere cernuntur, equidem non sine ingenti illorum admiratione, qui causam ignorant. Flumina eam rigant *Truentus*, *Tronto* vulgo: *Castellanus*, *Asonus*, *Letus mortuus*, *Tenna*, *Chientus*, *Flastra*, *Letus vivus*, *Asinus*, *Potentia*, *Muson*, *Esinus*, *Misa*, *Sontinus*, *Cesannus*, *Metaurus*, *Cantianus*, *Boasus*, *Argilla*. Inter Montes vero, præter *Furcas*, *Pescas*, *Auximus* est ab *Auximo* Vrbe, & *Corvus*, hunde cum *Albula* & *Truento* multi fluunt amnes per Marrucinos, Præcutianos, Marfos. Ceterum *Apenninus mons* hoc loco, ubi huic regioni imminet, editissimis jugis seipsum superat, Episcopatus hic sunt, *Asculanensis*, *Firmanus*, *Cammerinensis*, *Auximanensis*, *Humana*, *Anconitanus*, *Esinensis*, vel *Exinas*, *Senogaliensis*, *Fanensis*, *Pisauensis*, *Prosempronienis*, *Callicensis*, *Urbinas*, seu *S. Leonis*, *Maceratensis*, *Racanatensis*.

Spoletinus Ducatus.

SPOLETINUS Ducatus, vulgo *Ducato di Spoleto*, ab Vrbe *Spoleto* nomen habet, quæ olim Regia fuit Ducum Langbardorum. Olim *Umbria*. Latissimos *Umbriæ* fines olim habitos non obscure colligitur ex Strabone, qui Montem illi Apenninum & Hadriaticum Mare pro Limitibus adsignat. Longitudinem a Ravenna Otriculum vel ad Tiberim, per viam Flaminiam alii demonstrant, quo spatio circiter stadia continentur, vel milliaria cxxvi & semis. Regio nunc altis asperisque quasi horret montibus, nunc collibus vestitur, qui Vini, Olei, Ficuum, aliorumque Fructuum mirum quam fertiles nunc denique amœnissimas pandit planities, nihil non frugum abunde ferentes. Urbes Ducatus Spoletini sunt *Eugubium* ad Apennini radices positum: aditum præstante amœna pulcraque planicie. Sunt qui volunt esse, quod *Inguinum* Silio: *Iguvium* Cice. l'x'io Ptol. Opidum per vetus, multis Antiquitatem suam testans hodieque vestigijs. Frequens hodie: Incolis industria summa lanariam negotiationem tractantibus. Ager Campestris partim, partim Collinus. Fermenti undique ferax. *Nuceria*, lateri item Apennini adhærens: *Nucerium* Tabulæ Itinerariæ. *Nocera* vulgo *Fuliginum*, *Fuligno*, vernacule, sexaginta supra centum stadiis Perusia distans. *Fulgina* Silio Italico

Lacus.

Montes.

Regio.

Situs.

Soliqualitas.